

Centra Fyrirtækjaráðgjöf hf.
Ársreikningur
2024

Centra Fyrirtækjaráðgjöf hf.
Borgartún 27
105 Reykjavík

Kennitala 560209-0530

Efnisyfirlit

	bls.		bls.
Skýrsla og áritun stjórnar	3	Sjóðstreymi	7
Áritun óháðs endurskoðanda	4	Skýringar	8
Rekstrarreikningur	5	Stjórn og framkvæmdarstjóri (óendurskoðað)	12
Efnahagsreikningur	6	Yfirlýsing um stjórnunarhætti (óendurskoðað)	13

Skýrsla og áritun stjórnar

Centra Fyrirtækjaráðgjöf hf. er verðbréfafyrirtæki með starfsleyfi frá Fjármálaeftirlitinu í samræmi við lög nr. 161/2002.

Tap varð af rekstri félagsins á árinu 2024 sem nemur 11 milljónum króna (mkr) samanborið við 39 mkr hagnað árið á undan. Eðli starfseminnar er með þeim hætti að nokkrar sveiflur geta orðið í rekstri félagsins á milli ára, eins og afkoma undanfárinna ára ber með sér. Eigið fé félagsins í árslok nam 52 mkr samkvæmt efnahagsreikningi. Stjórn leggur til arðsúthlutun að fjárhæð 6 mkr. Eiginfjárhlutfall félagsins reiknað samkvæmt lögum um fjármálafyrirtæki, var 23,7%, sem er yfir mörkum laga um fjármálafyrirtæki, sem kveða á um að eiginfjárhlutfall skuli að lágmarki vera 8%.

Allt hlutafé félagsins er í óbeinni eigu starfsmanna. Eignarhald er óbreytt frá upphafi árs og eru hluthafar fimm talsins, þ.e.

Bellevue Partners dx slf. (undir stjórn Sigurðar Harðarsonar)	20%
Bdix dx slf. (undir stjórn Kristjáns Arasonar)	20%
Dittó dx slf. (undir stjórn Karls Þorsteins)	20%
HB Consulting dx slf. (undir stjórn Hermanns Baldurssonar)	20%
Svinnur dx slf. (undir stjórn Ingvars Garðarssonar)	20%
	<u>100%</u>

Hjá félaginu störfuðu 2 starfsmenn að meðaltali á árinu og var fjöldi starfsmanna félagsins 2 í árslok. Greiðslur til starfsmanna, stjórnenda og stjórnarmanna námu 30 milljónum króna. Engar árangurstengdar greiðslur til stjórnenda eða stjórnar voru inntar af hendi. Engir atburðir hafa haft veruleg áhrif á félagið eftir dagsetningu efnahagsreiknings.

Það er álit stjórnar og framkvæmdastjóra að ársreikningur þessi sýni allar upplýsingar sem nauðsynlegar eru til að lýsa stöðu félagsins í árslok, rekstrarárangur ársins og fjárhagslega þróun á árinu 2024.

Stjórn og framkvæmdastjóri Centra Fyrirtækjaráðgjafar hf. staðfesta hér með ársreikning félagsins fyrir árið 2024 með undirritun sinni.

Reykjavík, 17. mars 2025.

Stjórn:

Framkvæmdastjóri:

Áritun óháðs endurskoðanda

Til stjórnar og hluthafa Centra Fyrirtækjaráðgjafar hf.

Aritun um endurskoðun ársreikningsins

Álit

Við höfum endurskoðað ársreikning Centra Fyrirtækjaráðgjafar hf. („félagið“) fyrir árið 2024. Ársreikningurinn hefur að geyma rekstrarreikning, efnahagsreikning, sjóðstreymisýfirlit, upplýsingar um mikilvægar reikningsskilaaðferðir og aðrar skýringar.

Það er álit okkar að ársreikningurinn gefi glögga mynd af fjárhagsstöðu félagsins 31. desember 2024 og afkomu þess og breytingu á handbæru fé á árinu 2024, í samræmi við lög nr. 3/2006 um ársreikninga og lög nr. 161/2002 um fjármálafyrirtæki.

Grundvöllur álits

Við endurskoðuðum í samræmi við alþjóðlega endurskoðunarstaðla. Ábyrgð okkar samkvæmt stöðlunum er lýst frekar í kaflanum Ábyrgð endurskoðanda á endurskoðun ársreikningsins í árituninni. Við erum óháð féluginu í samræmi við gildandi siðareglur fyrir endurskoðendur. Við teljum að við höfum aflað nægilegra og viðeigandi endurskoðunargagna til að byggja álit okkar á.

Ábyrgð stjórnar og framkvæmdastjóra á ársreikningnum

Stjórn og framkvæmdastjóri eru ábyrg fyrir gerð og glöggri framsetningu ársreikningsins í samræmi við lög nr. 3/2006 um ársreikninga og fyrir því innra eftirliti sem þau telja nauðsynlegt til að gera þeim kleift að setja fram ársreikning sem er án verulegra annmarka, hvort sem er vegna sviksemi eða mistaka.

Við gerð ársreikningsins ber stjórn og framkvæmdastjóra að leggja mat á rekstrarhæfi félagsins og upplýsa, eftir því sem við á, um þætti er varða rekstrarhæfi og miða grundvöll reikningsskilanna við áframhaldandi rekstrarhæfi, nema þau ætli annað hvort að leysa félagið upp eða hætta starfsemi þess, eða hafa engan annan raunhæfan kost en að gera það.

Stjórn og framkvæmdastjóri skulu hafa eftirlit með gerð og framsetningu ársreikningsins.

Ábyrgð endurskoðenda á endurskoðun ársreikningsins

Markmið okkar eru að öðlast hæfilega vissu um hvort ársreikningurinn í heild sé án verulegra annmarka, hvort sem er vegna sviksemi eða mistaka, og að gefa út áritun endurskoðanda sem inniheldur álit okkar. Í hæfilegri vissu felst áreiðanleiki en ekki trygging fyrir því að endurskoðun í samræmi við alþjóðlega endurskoðunarstaðla muni alltaf leiða í ljós verulega annmarka ef þeir eru fyrir hendi. Annmarkar geta komið fram vegna sviksemi eða mistaka og eru taldir verulegir ef þeir einir og sér eða samanlagt gætu haft áhrif á efnahagslegar ákvarðanir sem notendur ársreikningsins taka á grundvelli hans.

Við endurskoðun í samræmi við alþjóðlega endurskoðunarstaðla beitum við ávallt faglegri dómgreind og viðhöfum faglega gagnrýni. Að auki:

Greinum við og metum hættu á verulegri skekkju í ársreikningnum, hvort sem er vegna sviksemi eða mistaka, skipuleggjum og framkvæmum endurskoðunaraðgerðir til að bregðast við þeirri hættu og öflum endurskoðunargagna sem eru nægjanleg og viðeigandi til að byggja álit okkar á. Hættan á að uppgötva ekki verulega skekkju vegna sviksemi er meiri en að uppgötva ekki skekkju vegna mistaka, þar sem sviksemi getur falið í sér samsæri, fölsun, að einhverju sé viljandi sleppt, villandi framsetningu eða að farið sé framhjá innra eftirliti.

Öflum við skilnings á innra eftirliti sem varðar endurskoðunina, til að skipuleggja viðeigandi endurskoðunaraðgerðir, en ekki til að veita álit á virkni innra eftirlits félagsins.

Metum við hvort reikningsskilaaðferðir og reikningshaldslegt mat stjórnenda og tengdar skýringar séu viðeigandi.

Ályktum við um hvort notkun stjórnar og framkvæmdastjóra á forsendu reikningsskilanna um rekstrarhæfi sé viðeigandi og metum, á grundvelli endurskoðunarinnar, hvort aðstæður séu til staðar sem valdið gætu verulegum vafa um rekstrarhæfi félagsins. Ef við teljum að verulegur vafi leiki á rekstrarhæfi ber okkur, í áritun okkar, að vekja sérstaka athygli á viðeigandi skýringum ársreikningsins eða, ef slíkar skýringar eru ófullnægjandi, að víkja frá fyrirvaralausri áritun. Niðurstaða okkar byggir á endurskoðunargögnum sem aflað er fram að dagsetningu áritunar okkar. Samt sem áður geta atburðir eða aðstæður í framtíðinni gert félagið órekstrarhæft.

Metum við framsetningu, uppbyggingu og innihald ársreikningsins í heild, að meðtöldum skýringum, og hvort ársreikningurinn gefi glögga mynd af undirliggjandi viðskiptum og atburðum.

Við upplýsum stjórn meðal annars um áætlað umfang og tímasetningar endurskoðunarinnar og veruleg atriði sem upp kunna að koma í endurskoðun okkar, þar á meðal alla verulega annmarka á innra eftirliti sem við greinum við endurskoðun okkar.

Staðfesting vegna annarra ákvæða laga

Í samræmi við ákvæði 2. mgr. 104 gr. laga nr. 3/2006 um ársreikninga staðfestum við samkvæmt okkar bestu vitund að í skýrslu stjórnar sem fylgir þessum ársreikningi eru veittar þær upplýsingar sem þar ber að veita í samræmi við lög um ársreikninga og koma ekki fram annars staðar í ársreikningnum.

Reykjavík, 17. mars 2025.

Reynir Stefán Gylfason
löggiltur endurskoðandi

KPMG ehf.

Rekstrarreikningur fyrir árið 2024

Tekjur	Skýringar	2024	2023
Sölupóknun	5	34.486.805	92.883.338
Fjármunatekjur	10	3.384.631	21.172.091
Aðrar rekstrartekjur	5	12.779.190	7.175.521
Heildartekjur		50.650.626	121.230.950
Aðkeypt þjónusta og þóknagjöld		(7.184.725)	(2.504.251)
Fjármagnsgjöld	10	(697.381)	(178.202)
Hreinar rekstrartekjur		42.768.520	118.548.497
Gjöld			
Laun og launatengd gjöld	11	41.399.485	57.554.357
Annar rekstrarkostnaður		16.292.332	15.019.607
Afskriftir	12	364.994	561.527
Heildargjöld		58.056.811	73.135.491
(Tap) / hagnaður fyrir skatta		(15.288.291)	45.413.006
Tekjuskattur	4, 14	3.943.381	(6.388.747)
 (Tap) / hagnaður ársins		(11.344.910)	39.024.259

Efnahagsreikningur 31. desember 2024

	Skýringar	31.12.2024	31.12.2023
Eignir:			
Handbært fé og innstæður hjá lánastofnunum		11.769.780	9.602.417
Kröfur á tengda aðila	15	2.320.521	5.492.439
Skammtímakröfur	8	5.065.551	1.720.791
Fyrirframgreiðslur		1.163.656	8.996.607
Markaðsverðbréf og eignarhlutir	13	44.692.000	44.692.000
Tekjuskattseign	4	2.964.804	0
Tölvur og innanstokksmunir	12	677.845	1.042.839
Eignir samtals		68.654.157	71.547.093
Eigið fé:			
Hlutfé		25.000.000	25.000.000
Bundið eigið fé		20.048.000	20.048.000
Óráðstafað eigið fé		6.692.458	18.037.368
Eigið fé samtals	17, 18	51.740.458	63.085.368
Áfallin gjöld og skuldir:			
Tekjuskattsskuldbinding		0	978.577
Aðrar skammtímaskuldir		16.913.699	7.483.148
Skuldir samtals		16.913.699	8.461.725
Skuldir og eigið fé samtals		68.654.157	71.547.093

Sjóðstreymisyfirlit fyrir árið 2024

Rekstrarhreyfingar:	Skýringar	2024	2023
(Tap) / hagnaður ársins		(11.344.910)	39.024.259
Rekstrarliðir sem ekki hafa áhrif á handbært fé:			
Afskriftir	11	364.994	561.527
Tekjuskattseign, breyting		(3.943.381)	4.116.912
Gangvirðisbreyting verðbréfaeignar		0 (13.980.000)	
Hreint veltufé (til rekstrar) / frá rekstri		(14.923.297)	29.722.698
Breytingar á rekstartengdum eignum og skuldum:			
Veltufjármunir lækkun / (hækkun)		7.660.109 (797.653)	
Skammtímaskuldir (lækkun) / hækkun		9.430.551	2.236.145
Breyting á rekstartengdum eignum og skuldum		17.090.660	1.438.492
Handbært fé frá (til) rekstri		2.167.363	31.161.190
Fjárfestingarhreyfingar:			
Hlutabréfaeign		0 (30.712.000)	
Fjárfestingarhreyfingar		0 (30.712.000)	
Breyting á handbæru fé		2.167.363	449.190
Handbært fé í ársbyrjun		9.602.417	9.153.227
Handbært fé í árslok		11.769.780	9.602.417

Skýringar með ársreikningi

Almennar upplýsingar

1. Centra Fyrirtækjaráðgjöf hf. er hlutafélag með aðsetur á Íslandi. Félagið er óháð fjármálafyrirtæki sem byggir á traustum grunni. Centra hefur starfsleyfi sem verðbréfafyrirtæki frá Fjármálaeftirlitinu skv. lögum nr. 161/2002. Skrifstofur félagsins eru í Borgartúni 27, Reykjavík.

Mikilvægar reikningsskilaaðferðir

Grundvöllur reikningsskila

2. Ársreikningurinn er gerður í samræmi við lög og góða reikningsskilavenju á Íslandi. Reikningurinn er gerður samkvæmt kostnaðarverðsaðferð að undanskildum verðbréfum, sem færð eru á gangvirði. Reikningurinn er í íslenskum krónum.

Félagið er undanþegið því að birta samstæðureikning skv. 68. grein laga um ársreikninga. Auk þess yrði félagið undanþegið því að taka dótturfélög inn í samstæðu skv. 70. grein sömu laga.

Mat og ályktanir við gerð reikningsskila

3. Við gerð ársreikningsins verða stjórnendur félagsins, í samræmi við lög um ársreikninga, að ákvarða, meta og draga ályktanir sem hafa áhrif á eignir og skuldir á reikningsskiladegi, upplýsingar í skýringum og á tekjur og kostnað. Allar ályktanir eru byggðar á þekkingu, reynslu og öðrum viðkomandi þáttum sem mynda grundvöll fyrir ákvarðanir sem teknar eru um bókfært verð eigna og skulda, sem ekki er hægt að ná fram með öðrum aðferðum.

Breytingar á reikningshaldslegu mati eru færðar inn á því tímabili sem þær falla til.

Tekjuskattur og frestaður tekjuskattur

4. Tekjuskattur vegna rekstrarársins hefur verið áætlaður og færður í ársreikninginn. Við útreikning á tekjuskatti til greiðslu er stuðst við skatthlutfall í gildandi skattalögum í lok reikningsársins, nú 20%.

Innlausn tekna

5. Þóknanatekjur er færðar á því tímabili sem þeirra var aflað. Virðisaukaskattur hefur verið dreginn frá öllum tekjum þar sem við á.

Verðbréfaeign

6. Verðbréfaeign félagsins eru í óskráðum félögum og eru færð á verði í síðustu viðskiptum. Afleiðusamningar eru færðir á gangvirði í árslok.

Erlendir gjaldmiðlar

7. Viðskipti í erlendum gjaldmiðlum eru færð á því gengi sem ríkjandi var daginn sem viðskiptin fóru fram. Peningalegar eignir og skuldir í erlendum gjaldmiðlum eru færðar miðað við ríkjandi gengi í lok reikningstímabilsins. Hagnaður og tap sem myndast vegna gengismismunar er innifalið í hagnaði eða tapi tímabilsins.

Skammtímafröfur

8. Skammtímafröfur eru færðar á nafnverði. Engar varúðarfærslur hafa verið færðar í reikningsskilum félagsins.

Áfallin gjöld og fyrirframinnheimtar tekjur

9. Áfallin gjöld eru færð á nafnverði og viðskiptaskuldir í öðrum gjaldmiðlum hafa verið bókaðar á ríkjandi gengi við lok reikningstímabilsins.

Skýringar með ársreikningi

10. Sundurliðun fjármunatekna og fjármagnsgjalda:	2024	2023
Vaxtatekjur	1.384.631	2.520.725
Gengishagnaður	0	83.366
Söluhagnaður og gangvirkðisbreytingar	2.000.000	18.568.000
	<u>3.384.631</u>	<u>21.172.091</u>
Vaxtagjöld	697.381	167.756
Gengistap	0	10.446
	<u>697.381</u>	<u>178.202</u>

11. Sundurliðun launa og launatengdra gjalda: skýring skv. 58. gr. laga nr. 3/2006 um ársreikninga

Laun	30.264.000	42.462.737
Launatengd gjöld	7.290.080	10.199.808
Fjársýsluskattur	1.426.036	2.308.197
Áfallið orlof	219.732	147.610
Bifreiðastyrkir	516.000	756.434
Önnur gjöld vegna starfsmanna	1.683.637	1.679.571
	<u>41.399.485</u>	<u>57.554.357</u>

Meðalfjöldi starfsmanna	2,0	3,1
Fjöldi starfsmanna í árslok	2,0	2,0

Yfirlit yfir launagreiðslur árið 2024 skv. 87. gr., 3. mgr. laga nr. 161/2002	Laun	Hlunnindi
Sigurður Harðarson, framkvæmdastjóri	15.132.000	364.175
Karl Þorsteins, stjórnarformaður	0	0
Ingvar Garðarsson, stjórnarmaður	0	0
Hermann Baldursson, stjórnarmaður	0	0

Framkvæmdastjóri er eini lykilstarfsmaður félagsins.
Félagið hefur ekki þegið neina styrki eða niðurgreiðslur frá hinu opinbera á reikningsárinu.

12. Fastafjármunir Tölvur og innanstokksmunir

Kostnaður

Staða í ársbyrjun	6.708.294
Staða í árslok	<u>6.708.294</u>

Uppsafnaðar afskriftir

Staða í ársbyrjun	5.665.455
Viðbætur	364.994
Staða í árslok	<u>6.030.449</u>

Bókfært verð

Staða í ársbyrjun	1.042.839
Staða í árslok	<u>677.845</u>

Skýringar með ársreikningi

13. Verðbréf

Verðbréf með breytilegum tekjum	2024	2023
Óskráð hlutabréf	44.692.000	44.692.000
	<u>44.692.000</u>	<u>44.692.000</u>

14. Tekjuskattur í rekstrarreikningi greinist þannig:

	2024	2023
Tekjuskattur skv. ársreikningi	(3.943.381)	6.388.747
Virkur tekjuskattur greinist þannig:	2024	2023
Hagnaður fyrir skatta	(15.288.291)	45.413.006
Tekjuskattur samkvæmt gildandi skatthlutfalli	20,0% (3.057.658)	20,0% 9.082.601
Ófrádráttarþær kostnaður	-0,1% 20.260	0,0% 19.746
Aðrar breytingar	5,9% (905.983) (	8,2%) (3.713.600)
Virkur tekjuskattur	<u>25,8% (3.943.381)</u>	<u>11,9% 5.388.747</u>

Tekjuskattur hefur verið reiknaður og færður til gjalda í rekstrarreikningi.

15. Tengdir aðilar eru lykilstarfsmenn félagsins, fjölskyldur þeirra og eignarhaldsfélög þeirra sem beint eða óbeint eiga allt hlutfé félagsins. Þar að auki eru stjórnarmenn og fjölskyldur þeirra tengdir aðilar. Þá er félagið Centra Partners ehf. tengdur aðili sökum eignarhalds eigenda Centra á því fyrirtæki. Viðskipti við tengda aðila hafa verið gerð á sambærilegan máta og viðskipti við ótengda aðila. Viðskipti við tengda aðila voru eftirfarandi:

	2024	2023
Kröfur á tengda aðila	2.320.521	5.492.439

16. Vörslueignir og eignir í stýringu eru aðgreindar frá öðrum fjármunum félagsins. Vörslueignir og eignir í stýringu greinast þannig:

Vörslueignir	0	3.703.746
--------------------	---	-----------

Skýringar með ársreikningi

17. Hlutfé er sem hér segir:	2024	2023		
Hlutfé 1.1	25.000.000	25.000.000		
Hlutfé 31.12	25.000.000	25.000.000		
Nafnverð hvers hlutar er ein króna og eitt atkvæði fylgir hverjum hlut.				
18. Yfirlit yfir eigið fé				
	Hlutfé	Bundið eigið fé	Óráðstafað eigið fé	Samtals
Eigið fé 1.1.	25.000.000	20.048.000	18.037.368	63.085.368
Tap ársins		(	11.344.910)	(11.344.910)
Eigið fé 31.12.	25.000.000	20.048.000	6.692.458	51.740.458
Bundið eigið fé greinist þannig:			Bundinn	Bundið
		Lögbundinn	gangvirðis-	eigið fé
		varasjóður	reikningur	samtals
Eigið fé 1.1.		6.250.000	13.798.000	20.048.000
Eigið fé 31.12.		6.250.000	13.798.000	20.048.000
19. Fastur kostnaður skv. lögum 161/2002 er skilgreindur	2024	2023		
Fastur kostnaður skv. rekstrarreikningi án afskrifta	57.691.817	72.573.964		
20. Eiginfjárlutfall (CAD) er ákvarðað sem hér segir:				
Eigið fé í árslok	51.740.458	63.085.368		
Að frátalinni skatteign	(2.964.804)	0		
Að frátaldri tillögu stjórnar að arðsúthlutun	(6.000.000)	(18.000.000)		
Eiginfjárgrunnur	42.775.654	45.085.368		
Áhættuvegnar eignir:				
Útlánaáhætta	54.280.315	44.692.000		
Áhættuvegnar eignir, samtals	54.280.315	44.692.000		
Eiginfjárfrafa vegna fasts rekstrarkostnaðar	14.422.954	18.143.491		
Áhættugrunnur m.v. fastan rekstrarkostnað	180.286.928	226.793.638		
Umframáhætta vegna fasts rekstrarkostnaðar	126.006.613	182.101.638		
Eiginfjárlutfall (CAD)	23,7%	19,9%		
21. Engir atburðir hafa átt sér stað frá uppgjörsdegi sem myndu breyta fjárhagsstöðu félagsins og myndu leiða til þess að breyta þyrfti ársreikningnum á einhvern hátt.				
22. Ársreikningurinn var samþykktur á stjórnarfund og birting hans leyfð þann 17. mars 2025.				

Stjórn og framkvæmdastjóri (óendurskoðað)

Karl Þorsteins, stjórnarformaður, tók sæti í stjórn félagsins árið 2022. Karl er fæddur 1964, er rekstrarhagfræðingur með MBA gráðu frá London Business School og starfar í dag sem sjálfstæður ráðgjafi. Karl hefur viðtæka reynslu af fjármálum og verðbréfavíðskiptum. Hann var framkvæmdastjóri fyrirtækjasviðs Búnaðarbanka Íslands, síðar KB Banka og setti upp og stýrði útibúi MP Banka í London 2005-2007. Frá því að Karl sneri aftur til Íslands hefur hann sinnt ráðgjafastörfum og setið í stjórnnum fyrirtækja. Karl er stjórnarmaður í eigin eignarhaldsfélagi, Dittó ehf. og stýrir jafnframt félaginu Dittó dx slf., sem er einn fimm eigenda Centra Fyrirtækjaráðgjafar hf. Hann á 20% hlut í Centra Fyrirtækjaráðgjöf (í gegnum eignarhaldsfélag sitt og óbeint í

Ingvar Garðarsson, varaformaður stjórnar, tók sæti í stjórn félagsins 2022. Ingvar er fæddur árið 1967. Hann er löggiltur endurskoðandi frá Háskóla Íslands og starfar í dag sem sjálfstæður ráðgjafi. Ingvar hefur viðtæka reynslu af fjármálum og rekstri og hefur einnig verið skipaður sérfróður matsmaður í dómsmálum sem reyna á þekkingu í alþjóðlegum reikningsskilastöðlum. Ingvar hóf feril sinn í endurskoðun hjá Coopers & Lybrand, en færði sig síðan yfir í fjármál og rekstur í símaþransanum, fyrst hjá Hallo/Vodafone á Íslandi og síðan hjá Magnet Networks á Írlandi. Eftir að Ingvar sneri aftur til Íslands 2007 hefur hann sinnt ráðgjöf og verkefnastjórnun bæði innanlands og erlendis, meðal annars við uppbyggingu orkuvera, byggingu framleiðslueininga í matvælaíðnaði og við endurskipulagningu fasteignasafna. Hann hefur jafnframt sinnt stjórnarstörfum og setið í endurskoðunarnefndum. Ingvar er stjórnarmaður í eigin eignarhaldsfélagi, Svinnur ehf. og stýrir jafnframt félaginu Svinnur dx slf., sem er einn fimm eigenda Centra Fyrirtækjaráðgjafar hf. Hann á 20% hlut í Centra Fyrirtækjaráðgjöf (í gegnum eignarhaldsfélag sitt og óbeint í gegnum fimm samlagsfélög).

Hermann Baldursson, meðstjórnandi, tók sæti í stjórn félagsins árið 2022. Hermann er fæddur 1973. Hann er með MBA gráðu frá Michigan State University og starfar í dag sem fjármálastjóri hjá Baseload Capital, sænskum framtakssjóði á sviði endurnýjanlegrar orku. Hermann hefur yfirgripsmikla þekkingu á orkugeiranum og hefur m.a. sinnt ráðgjöf fyrir Landsnet og HS Orku. Þá hefur hann verið ráðgjafi fyrir innlenda og erlenda aðila um þróun jarðvarmaverkefna erlendis, einkum í Asíu, Evrópu og Afríku. Hermann er stjórnarmaður í eigin eignarhaldsfélagi, HB Consulting ehf. og stýrir jafnframt félaginu HB Consulting dx slf., sem er einn fimm eigenda Centra Fyrirtækjaráðgjafar hf. Hann á 20% hlut í Centra Fyrirtækjaráðgjöf (í gegnum eignarhaldsfélag sitt og óbeint í gegnum fimm samlagsfélög).

Sigurður Harðarson, fæddur 1962, er framkvæmdastjóri félagsins. Hann er með MBA gráðu frá London Business School og er löggiltur verðbréfamíðlari. Sigurður hefur starfað hjá Centra frá stofnun þess árið 2009, en áður starfaði hann við rekstrar- og fjármálaráðgjöf hjá Capacent og KPMG frá árinu 2001. Hann starfaði hjá DuPont, fyrst í Þýskalandi og síðar í Sviss við margvísleg störf á sviði fjármála, markaðsmála og stjórnunar frá 1988-2001. Sigurður er stjórnarmaður í eigin eignarhaldsfélagi, Bellevue Partners ehf. og stýrir jafnframt félaginu Bellevue Partners dx slf., sem er einn fimm eigenda Centra Fyrirtækjaráðgjafar hf. Hann á 20% hlut í Centra Fyrirtækjaráðgjöf (í gegnum eignarhaldsfélag sitt og óbeint í gegnum fimm samlagsfélög) og hefur aðgang að árangurstengdum launagreiðslum félagsins, en hefur ekki gert kaupréttarsamninga við félagið.

Allir stjórnarmenn, sem og framkvæmdastjóri, búa á Íslandi eða í öðru ríki sem er aðili að samningnum um Evrópska efnahagssvæðið.

Yfirlýsing um stjórnarhætti (óendurskoðað)

Skv. 19. grein laga nr. 161/2002 um fjármálafyrirtæki ber Centra Fyrirtækjaráðgjöf meðal annars að fylgja viðurkenndum leiðbeiningum um stjórnarhætti fyrirtækja og birta árlega yfirlýsingu um stjórnarhætti fyrirtækisins í sérstökum kafla í ársreikningi. Centra fylgir leiðbeiningum um stjórnarhætti fyrirtækja sem gefnar eru út af Viðskiptaráði Íslands, Samtökum atvinnulífinn og Nasdaq OMX á Íslandi. Nýjasta útgáfan var birt í febrúar 2021 og má nálgast hana á vefsíðu Viðskiptaráðs Íslands, www.vi.is. Stjórnarhættir félagsins eru í samræmi við þessar leiðbeiningar með eftirfarandi undantekningum (tilvísanir í sviga vísa í 6. útgáfu leiðbeininganna): Vefsíða félagsins er ekki notuð til að upplýsa hluthafa um tímasetningu hluthafafunda eða framboð til stjórnar (1.1.2, 1.1.6), félagið skipar ekki tilnefningarnefnd (1.5.1), stjórn hefur ekki sett stefnu um sjálfbærni félagsins né skrifleg viðmið um siðferði fyrir stjórn, stjórnendur og starfsmenn þess (2.9.1) og stjórn hefur ekki sett stefnu um fjölbreytileika í tengslum við stjórn, framkvæmdastjórn og æðstu stjórnendur (2.9.2). Stjórnarhættir félagsins í þessum málum endurspeglast af smæð þess, en að öðru leyti eru stjórnarhættir félagsins í samræmi við ofangreindar leiðbeiningar. Centra Fyrirtækjaráðgjöf þarf að fylgja stjórnarháttum sem löggjafinn setur og endurspeglast það í þeim stjórnarháttum sem félagið hefur tamið sér. Þar af leiðandi hafa stjórnarhættir félagsins verið mjög formlegir frá upphafi, með skriflegum viðmiðunarreglum fyrir stjórn félagsins og framkvæmdastjóra þess, ásamt skriflegum reglum sem lúta að málefnum líkt og hagsmunaaðrekstrum. Reglur þessar eru aðgengilegar hluthöfum og öðrum á skrifstofu félagsins.

Innra eftirlit og áhættustýring eru skjalfest og hafa verið innleidd í verklagsreglur. Félagið hefur ráðið utanaðkomandi aðila til að sinna innra eftirliti og hefur sett sér formlegar reglur varðandi áhættu- og lausafjárstýringu með eftirliti á öllum reglulegum stjórnarfundum. Þar að auki hafa ýmsir þættir sem snúa að áhættustýringu og innra eftirliti verið innleiddir í verklagsreglur starfsmanna. Reglulegar skýrslur sem skila þarf til Fjármálaeftirlitsins gera það að verkum að innra eftirlit og áhættustýring eru sem skyldi, sem á móti tryggir að fjárhagsupplýsingar um rekstur félagsins eru skilmerkilegar og liggja tímanlega fyrir.

Gildi félagsins eru byggð á því að félagið sé sjálfstætt og óháð, að fagmennska sé tryggð og að félagið sé traustsins vert. Stjórnskipulag, innri verklagsreglur og stefnur, líkt og stefna um hagsmunaaðrekstra, tryggja þessi gildi og gera það að verkum að þau hafa bein áhrif á daglegar athafnir allra starfsmanna.

Hlutverk og skyldur stjórnar hafa ávallt verið skýr og í samræmi við bestu starfsvenjur líkt og skjalfest er í leiðbeiningum Viðskiptaráðs Íslands. Á formlegum og reglulegum fundum stjórnar eru fastir og árstíðabundnir dagskrárliðir ásamt atriðum sem stjórnin telur þörf á að ræða hverju sinni. Árangursmat stjórnar snýr helst að afkomu, stefnumótandi stöðugleika og viðskiptaþróun. Eftir aðalfund félagsins 2024 hefur stjórn þess komið saman alls 4 sinnum. Stjórnin er skipuð þremur stjórnarmönnum og tveimur til vara samkvæmt samþykktum félagsins. Mættu allir aðalmenn á alla þessa fundi utan eins. Stjórnin hefur engar skilgreindar undirnefndir.

Framkvæmdastjóri ber ábyrgð á daglegum rekstri félagsins og hefur vald til að stjórna málefnum þess, innan setts lagaramma um fjármálafyrirtæki (lög nr. 161/2002) og eigin samþykktu félagsins. Framkvæmdastjóri er ábyrgur fyrir því að greina, mæla og fylgjast með áhættu sem tengist starfsemi félagsins. Hann ræður starfsmenn félagsins.

Starfskjarastefna félagsins kveður á um samkeppnishæf laun og kaupaukakerfi, sem rekið er að eigin ákvörðun félagsins, frekar en sem samningur við hvern og einn starfsmann. Engar árangurstengdar greiðslur voru greiddar út árið 2024. Félagið hefur ekki hvatakerfi byggt á kauprétti. Lög nr. 161/2002 og reglur nr. 388/2016 setja ákveðnar hömlur á kaupaukakerfi félagsins.

Engar sektir voru lagðar á félagið árið 2024 af eftirlitsaðilum.

Æðsta vald í málefnum félagsins er í höndum hluthafafundar, sem er aðeins háð lagalegum mörkum og mörkum samþykktu félagsins. Stjórnin boðar hluthafafund þegar hún telur nauðsynlegt, þegar kveðið er á um það í samþykktum, að beiðni endurskoðenda félagsins eða þegar hluthafar sem ráða minnst 1/10 hlutafjár í félaginu gera skriflega beiðni um að slíkur fundur sé haldinn og taka fram hvert viðfangsefni hans skuli vera. Hluthafafundir skulu vera boðaðir með auglýsingu í dagblaði eða með rafrænum hætti. Hingað til hafa allir hluthafafundir verið boðaðir með rafrænum hætti.